

صافی : ۵

تشرین ثانی ۱۹۲۷

بیبل : ۱

فلسفه و اجتماعیات

مجموعه سی

مؤسسی

آگاه سری

مدیری

محمد شروت

آیده برنشر اولونور

استقلال و قباطاش لیسهری فلسفه
و اجتماعیات و تجارت مکتبی اقتصاد معلمی

استقلال لیسهری مدیری استانبول ارکک
و استقلال لیسهری ادبیات معلمی

بر صایده

- تربیتی قسم : دینی اجتماعیات علمی ضیا
قانونلر تحاول ایدرمی (پوانقارده دن) م . المرامی
قیمتار عالمی (بوغله دن) زهت شروت
علمک فلسفی قیجق عامی سنج
اجتماعی حادثه نه در اسماعیل خیمرو
تطبیقی قسم : بشری ادبیاتک معشری اساسلری علمی ضیا
تقدیر و تحلیل قسمی : علم و فرضیه : (پوانقارده دن) م . ا .
یکی اجتماعیات درسلری . (محمد عزت) م . ث .
صوری و تطبیقی منطق : (حسن عالی) ح . ص .
اقتصاد و ملی سجیه هه رمان لهوی (آلمانجه دن) در . ر .
فلسفی نشریات : آرتور هه لمان (آلمانجه دن) در . ر .
دارالفنون ادبیات فاکولته سی مجموعه سی (**)
روحیات مجموعه سی : (فرانسزجه دن) ح . س .
مخبره شافیه بیه

اداره خانه : استانبول - شهبازده باشی - استقلال لیسهری داخلنده دائره مخصوصه
استانبول - مطبعه آمدی

[۱۷] قیمت‌لر عالمی

جهان حربنه اشتراك ایدن محاربلك برچوغي تجدد ، اصلاح ، تصفيه احتياجی
حس ایدیورلر ؛ بونلرک آراسنده اسکی فلسفی تربیه‌لرینی خاطرلایانلر بو احتیاجی
شویله افاده ایدیورلر : « قیمت‌لرینی تکرار بر کوزدن کچیرمک‌لر لازم » .

بو افاده ، ده‌ها محاربه‌دن اول ، فلسفه‌ده وطنداشلق حقنی قازانمق وزره ایدی ؛
« قیمت‌لر فلسفه‌سی » مودا اولویوردی .

برچوق کیمسه‌لر ایچین قیمت ، دوغروسنی سویله‌مک لازم کلیرسه ، برمالیه‌جی
واقتصادجی تعبیروندن باشقه برشی دکلدر . جزؤدانلرک وقاصالرک ایچنده اوبویان
قیمت‌لر واسهام ، بالقوه برر ثروت‌درلر . بونلر کوموری ، بوغدایی ، واغونلری ،
وابورلری وبونلرک هپسنگ‌فوقنده (پیه‌رهامپ) ک انسان زحمتی دیدیکی شیئی تمثیل
ایدرلر . بو کاغد پارچالرینی الینه کچیره‌ن بر کیمسه ، صاتین آلمق ، صاتمق
وسیه کولاسیون یاتمق امکانی‌ده آلدی ایتش اولور ؛ اک متنوع آرزولرینی تطمین
ایده‌بیایر . قیمت شککنده کی عمومی افاده دخی ایشته بو امکانلرک غیر معینتینه‌ده
ترجمان اولور .

مالیه‌جی ، قیمت‌لری اداره‌ایدر ؛ اقتصادجی ایسه ، قیمتی تدقیق‌ایدر . اقتصادجینک
ترجیحاً مشغول اولدیغی مسئله‌لردن بری ، بر پیاسه ایچنده فی‌آنک ناصل تأسس
ایتدیکنی ایضاح اتمکدر . بو مسئله‌ینی حل ایده‌بیلمک ایچین اقتصادجینک ،
اشیاده کی قیمتک شکلنی وجوه‌رینی تعریف ایده‌بیلمسی لازمدر . بونک ایچین

اقتصادجی ، استعمال قیمتله مبادلہ قیمتنی بربرندن تفریق ایدر قیمتک تشکلی ایچنده ، مواد ابتدائیه ، انسان سعینه و عرض و طلب مناسبتنه تعلق ایدن شیلری تمیز ایدر .

فقط بوتون بوتدقیقلر نه قادر معیندار اولورسه اولسون ، مسئله بیتمش دکلدر . قیمت مختلف معنارده آ کلاشیلیر . « قیمت سنه لک عددینی بکله مز ، بوتک مصراع بزی بر قاناد ضربه سیله یکی بر مفکوره یه دوغرو کوتورور ، اساساً (قورنه ی) دن چوق اول (شانسون دو رولان) ده شو مصراع کورولور : « Itel valor deit avoir chevalier » بوراده قیمت شوو الیه لک مفکوره سنک عیندر . یو صورتله قیمت ، یالکز عملده کی قدرتی دکل ، بلکه مقصده کی صافی ، قلبک علو جانبی وفدا کارلق قدرتی دخی استلزام ایدر . بوراده ، اقتصاد طلبک تماماً عکسی بر نقطه ده یز . قیمت مالک اولان کیسه ، یالکز ساتین آلق و یا خود صاتمق قدرتنه دکل ، بلکه نه آلینا بیلان ، نه صاتیلابیلان برشی ویرمک ، یعنی کندینی وقف ایتمک قدرتنه ده مالکدر . قیمت ، کندینی ابراز ایدن کیسه ، سانجاعتک قیوریملری ایچنده اولن بر عسکر کیی ، بالذات اوقیمت ایچنده کومولوب غائب اولدینی زماندر که اعظمی یه واریر . ایسته هیچ شبهه سز بوتک ایچندر که علوی بر تهلکه کی دائماً احتوا ایدن جسارتک عسکری شکلی بعضاً الیو کسک معناده اخلاقی قیمتنی وجوده کتیریر .

فقط ، قیمت مرتبه سنه عینی درجه ده حق ادعا ایدن باشقه فضیلتلرده واردر . واقعا (رولن Rollin) بزه چوق زمان اول ، شو نقطه نی ملایمتله اشارت ایتمشدر : « حا کلمر مز ، (چیچرون) لک (offices) نده سویله دیکی شینک حقیقتنی ، یعنی عسکری قیمتدن دها کوچوک اولمایان بر خصوصی عائلوی قیمت موجود اولدینی ، بر جوق فرصتلرده کوستردیلر . » بالا آخره (سن سیمون) دخی - اندوستریالیزمک پیغمبری اولان سن سیمون - عینی جنسندن بر دستور اورتابه آتمشدر . بشریتک طبیعت اوزرنده کی قوتی تزید ایدنلره و کره ارضک معقول بر صورتده استثمارینی احضار ایدنلره قارشی حرمتکار اولان ملتله ، (سن سیمون) ، « (روصو) لک عکسنه اولارق استصغار ایدیله میه جک اخلاقی بر قیمت عطف ایدر . » « صناعی ، ملت استقلاللرینی مدافعه ایتمک خصوصنده دیگر ملتله قاندار اندیشه ناک و اولنلر قاندار قوتلدرلر : بوملتلر دیره کلرینک هر بری بر فضیلت اولان مدیتلر بنا ایدرلر . »

زمانمزدہ قیمت تعبیری ، اقتصادی نمودجدہ کی قیمتارہ قارشى دہا واضح
 بر صورتہ معکوس اولارق قوللائلمقدمہ در۔ مادی اولمایان شیر فیزیکی احتیاجلرک
 تسویہ سنی آشان شیر ، میخانیکی ضرورتلر دائرہ سندن خارجہ چقان شیر ،
 علوی بر قیمت اولق اوزرہ سلاملا مقدمہ در ۔ فرانسیزجہ یہ « یارینک مکتبہ دوغرو »
 عنوانی آئندہ ترجمہ ایدیلن جانی ، مشخص و کوزل بر بہ داغوزی کتابندہ
 (آئزہ لوپاتری) ، ہر نوع عرقدن انسانلرک ، بویوک صنایع النہ یوغورولمق
 اوزرہ قوشوشدقلری نیویورقلرک بر محلہ سندنہ ، قیمت حسنی اویاندیرمق ایچین
 استعمال ابتدیکی واسطہ لری آکلاتیر۔ بورادہ چوجوقلری ، اوروپادہ اجدادینلرک
 بشیکدہ دیکلہ دکلری خلق شرقیلرینی ، شعرلرینی و مصالحلرینی تکرار جانلاندیرمق
 خصوصندہ کندیلرینہ یاردیم ایتملرینی ابویلرندن ایستہ مکہ دعوت ایتشد۔ بو
 صورتلہ (آئزہ لوپاتری) دوشونورکہ « ابوین وچوجوقلر بر برلرینہ مقبلا بشری
 قیمتار ہدیہ ایتک ایچین برلشمس بولونہ جقلردرہ » عجبا (پاتری) نہ دیمک ایستہ یور
 ایستورکہ بو مهاجرلر ، یاخود مهاجر چوجوقلری ، ملی شعرلرینک منبعہ چیقارق
 روحلرینی تازہ لندیرسینلر۔ حزین بر شائینک فوقہ یوکسلرینلر ، رؤیایک وامیدک
 یولنی تکرار بولسونلر۔ اک منور روحلر ایچین دخی صنعتک وظیفہ لرندن بری بو
 دکلیدر ؟ بویوک محررلرلہ تماس ایتک ، (تہن) ک دیدیکی کیی ، « انسانک تمامیلہ
 بر حیوان اولمادیغی بو چہرہ ک ساعتلری » تکثیر ایتک امکائی بخش ایدر ۔

فقط بزم صنعت حقندہ سویلہ دیکمز شیئی ، دائمادہا قوتلی و دہا قاورایچی بر
 قدرتلہ تکرار ایتک لازم دکلیدر ؟ بو عادی دنیادن قورتولمق ، خفیہلہ مک ،
 غیرمادیلشمک ، موضوع بحث اولدینی زمان ، دینی اعتقادلر ، بزم عنغوی بر
 صورتہ غیرقابل قیاس بر معاونت عرض ایتمز لرمی ؟ وایشتہ شہہ سز بونک ایچندرکہ
 دانیارقہ لی فیلوزوف (ہوفدینغ) « دین » آدلی کتابندہ « قیمتار محفاظتی »
 ہر شینک فوقندہ کورمہ مزی بزمہ تکلیف ایدیور ۔

بو مثاللر کافیدر ۔ قیمتک معناسنی تعین ایدہ بیلیمک ایچین کیریشدیکمز بو
 مختلف تجربہ لر ، بزی ، کندی کندیلرینہ تعمیمہ میل ایتدیریورلر ۔ قیمت
 اقتصاد ، اخلاق ، صنعت دین ساحہ سندنہ کندی موقعنی بولویور ۔ قیمت
 بو ساحہ لرک ہیچ برندہ محبوس دکلدر ۔ حقیقتدہ قیمت ، اک متنوع تطبیقاتہ

مساعدا اولان جهانشمول بر مقوله در . بر حرکته اولديغی کيی بر موبلهیه ، بر حرکته اولديغی کيی بر دینی آینه و بر شعرده قيمت حکملری ویريله بيلير .
وايشته بونک ايجندرکه بر قيمتلر عالمک موجوديتندن بحث ایدیورز . کرک بدیی ویا اخلاقی ، کرک دینی ویا اقتصادی اولسون ، قيمتلرک هپسی بزم دقتمزی تحریک ایدرلر ، سه پاتیمزی اویانديرلر ، بزی امک صرفه سوق ایدرلر . اونلرک بو متنوع ادعای آراسندهده بر آهنگ موجود اولابيلير ؛ عینی زمانندهده بر رقابت موجود اولابيلير . ايشته ، منسوب اولديغی عالمه ، صنعت ، نظام و مراتب پره نسیپلری اداخل ایتک ضرورتی ده بورادن کليور . اساساً بو ، محقق صورتده فلسفی تفکرلرک هیچ ده اهميتسز اولمايان فونکسيونلرندن برینی تشکيل ايدر . فلسفی تفکرلرک وظیفه سی ، ساده جه بزه حقیقی ایضاح ایتک دکلدیر ؛ بزه ترجیحلرمزی تنظیم ایتسی و قيمتلر جدولی حاضر لامسی لازمدر .

قيمتلر جدولی : بو جدولک اوزرنده چالیشانلرک بالکیز فلسفه منتسبلری اولمادیغی آشکاردر . بشریت بر تفکر سیستمی تکلیف ایدن هر کیمسه ، بزم رجحانلرمزک نظامی اوزرنده مؤثر اولمخنده میل ايدر . (نیچه) ، « آریستوقرات » مرحمتسز لکندن بر انجیل یابارق قيمتلر سیستمی تعدیل ایتک ایستر . فقط اوندن اولده (روصو) ، (پلهب) اخوتتی دین حالته قویارق عینی شکلهده بر انقلاب یامغی تجربه ایدیوردی . طبیعی سومن (رابوله) ايجین بر قيمت جدولی وارددر . برده (باستال) ايجین طبیعتک اور کوتدیکی وایکره نديریکی بر قيمت جدولی وارددر . دائماً حریته مشتاق اولان بر (پرودون) ، اخلاقی قيمتلری مراتبه تابع قیلارکن ، مقادیراً سلطه تأسیسیله مشغول اولان بر (اوکوست قونت) ک طرزینی تعقیب ایده مز .

محررلر ايجین سویله دکلمزی ذاتاً بوتون بویوک آریستلر ايجین ده تکرار ایتک لازمدر . بر آلمان ، میخانیککی انضباطه اوقادار مساعدا اولان ملککنده مستقل بر حرث حسنی و ذوقنی اویانديرمق ايجین ، محاربه دن اول ، (رامبراند) ی ترسیه جی اولارق کوسترمکی تصور ایتشدی . « بهتووون » ک سه نفونیلرنده ، درونی بر قهرمانلنه ، شخصی قراغه ، روح قافله لرینک معشری وجدینه دائر نه قادار چوق درسلر موجود اولديغی کافی درجه ده هر کس بيلير . هر بویوک اثر ، ناصل بر اثر اولورسه اولسون ، معین بر حس مراتبک یالهنه ویا خود علمنه چالیشیر . بواثرلر ،

بویولده کی مشترک مساعیرله انسان روحنک تاریخی تکرار بنا ایتمهک چالیشیرکن براسقامت آرایان کنج روحلرک اوکندن شاهقهلر اوزرینه موضوع اولان قیمت جدوللری سلسله سنی کچیرمک وظیفه سی ده بزم ادبیات فاکولته لرمزه ترتب ایدر .

محاربه دن دونلرک « بزم ایچین قیمتلرک کوزدن کچیرلمسی لازمدر » سوزی یوندن بویله واضح صورتده آکلاشیلیر . او انسانلر ، بونکله ، بعض اشیانک ، بعض کیمسه لرک ، فلان وارلق ، حرکت و دوشونوش طرز لرینک ، حرب تجربه سندن صوکرآ ، اولکنه نسبه یا دها چوق ویا دها آز قیمتی حائز اولماسی ایجاب ایتدیکنی قصد ایدیورلردی .

دوغروسنی سویله مک ایجاب ایدرسه ایسته نیوردی که تعدیل ایدیله جک ترجیحلرک نظامی حقنده بوتون حسلر متفق اولسون وپارچالامش وطنک سینهنسندن اولدیغی کبی سیرلرک ایچندن ده وظیفه مزنی بزه املا ایتدیردن تک بر آواز یوکسلسین . فقط حقیقتده ، اختلافلر ، سرعتله باش کوستردی ، محاربه تجربه سندن ، محاربلر ، روحلرنده هر زمانکنندن ده فضلده موقراتیک بر ایمانله دونیور واولله ظن ایدیورلرک ملتلی تخلص ایتمهک وصلحی تأمین ایتمهک یالکمز ده موقراسی قادردر ؛ بعضیلری ده بالعکس ملی وحدتی دها ترصین ایده بیلیمک ایچین سلطه پرهنسیپینی تکرار احیا ایتک لزومنی اعلان ایدیورلر . بر قسمی « بویوک بحران ، دینی حسک ساده مشروعتنی دکل ، بلکه ضرورتی ده بر دفعه دها میدان چیقاردی » دیورلر . دیگرلری ده شویله سویله یور : « محاربه میدانلرنده لاییک تدریسات کندینی کوستردی و دیگر هر هانکی بر نوع تدریساتک تولید ایده میه جکی فدا کارلق حسنی اوپاندیرمغه نه قدار قابلیتلی اولدیغنی اثبات ایتدی . » نهایت بر چوق کیمسه لرک یکی یابیلاجق هر تشکیلات ایچنده ، اعظمی استحصال اندیشه سنک هر شیشه حاکم اولماسنی طلب ایتدکلری بر آنده ، دیگر بر طاقم کیمسه رده ادعا ایدیورلردی که فرانسه آنحق فکری عرفان ایله وبالخاصه قلاسیک عرفان ایله فائیت تأمین ایده بیلیر و ایتمهک مجبوردر .

بو اختلافلر ، شهه سز ، غیرقابل اجتنابدر . فقط بلکه ده خیرلیدر ؟ هر حالده یونلر ، عمومی بر قناعت دلالت ایدیور . اکر مؤسسهلر اساسدن تجدید ایدیلک ایسته نیورسه ، هر شیدن اول حسیات مراتبی اوزرینه تأثیر ایتک ایجاب ایدر .

قیمت‌ر دنیاسی، مرئی دنیاده کی ده‌قور تبدلاتنک حاضرلاندیغی غیر مرئی بر دستگاه کیدر.

قیمت‌ر دنیاسی اوزرینه بو طرزده تأثیر اجرا ایتنک ایسته‌ینلره، بو دنیانک ناصل تشکل ایتدیکنی، ناصل تحاول ایتدیکنی، اونی وجوده کتیرمن عنصرک ناصل داغیلدیغی و ناصل برلشدیکنی خاطر لاتمق بلکه فائده‌سز اولماز. اجتماعیات بو موضوعلر اوزرینده، تربیه‌جیلره بلکه بعض فائده‌لی اشارت‌لر عرض ایده‌بیلیر.

*
**

قیمت حکملرینک حقیقی ماهیتی! ایشته ایلک اول تعین ایدلسی ایجاب ایدنه شی بودر.

عمومیتله بوتون مکالمه‌لرده وبالخاصه چوجوقلره ویردیگمز نظرلرده، قیمت حکملریله شأیت حکملری بر برینه قاریشیر.

بو تفریق، بو کون منطق‌جیلرک معلومیدر؛ تربیه‌جیلرکده بونی دوشونمه‌لری چوق ای اولور؛ چونکه بوندن بک چوق نتیجه‌لر چیقاجقدر.

«بو ماصا، متوازی‌الاضلاعدر.» — «مرانغوز کونده دورت ماصا یاپار.» — «حرارته معروض قالان دمبر انبساط ایدر.» — ایشته شأیت حکملری. بو حکملر، آرزولرمزدن، نفرت ویا سه‌مپاتیلرمزدن صرف نظر ایدلک شرطیله بر طاقم موجوداته ویاخود اشیایه بعض خاصه‌لر ویریور؛ یعنی آفاق اولویورلر.

فقط اکر بن: «بو ماصا قوللانیشلی یاخود کوزلدر، بو عماله وجدانلیدر» آلتون دمیردن قیمت‌لدر «دیرسهم، بعض آفاق خاصه‌لرک موجودیتنی تأیید ایتنک» اکتفای ایدیورم؟ بوراده آرایه برده حس قاریشیور. ویرا موضوع بحث اولان بو حکملر تقدیری ماهیت‌ده‌درلر. بونلر، فلان ویا فلان موجودک و فلان حرکتک انسانلره الهام ایتدکلری آرزو ویا نفرتی، سه‌مپاتی یاخود استکراهمی بدایه حائر اولماسه‌لردی معناری قالمازدی. بو حکملر، صرفاً و بسیط بر صورت‌ده بر شئینک خاصه‌لرینی دکل، بلکه بو خاصه‌لر قارشیسنده بر نفسک وضعیت‌لرینی افاده ایدرلر. اونک ایچین انفسیدر.

موسیو «شارل ژید»ک (سیاسی اقتصاد درس‌لری) آدی کتاینده «قیمتی»

آرزومندك نشر ايتديكى بر شعاع ايله اشيانك؟ تنوير ايدلسى طرزنده تصور ايتك لازمدر ، دييور . اقتصادچينك بو سوزيني بر اخلاقي ، صنعت مورخى و دين مورخى ده تكرار ايدم بيلير . بونلرك هپسى ، اساساً مختلف نوعدن اولقله برابر قيمترلره مشغول اولورلر . بو قيمتلرك هپسندى مشترك برخط وارسه ، اوده بونلرك ، بر فيزيكچينك ، بر كيمياجى و حياتياتچينك تدقيق ايتديكى طرزده خارجى شأيتلرى دكل ، بلكه حالت روحيله لرى ترجمه ايتمى ليريدر .

بزه بوراده بر نقطه يى اخطار ايدى جكلردر . و بو اخطار اوزرندى « تنقيدى » فلسفه ، بيقينلىق و برينجه يه قادار اصرار ايتمشدر : بالذات خارجى شأيتلر ، آنجق بزم نفسلرمز ايجين بر موجوديتى حائزدرلر . كونشك ضياعى ، جاذبه قانونى ، ادراك ايدى جك بر تفكر اولمادقجه نه ديمكدر ؟

بك اعلا اويله اولسون . اسكى مناقشه يى بوراده تكرار آچايه لم . هر حكمتك ، حتى شأيت حكمتك ، اول امرده روحك ماهيتنى ترجمه ايتك اعتباريله انفسى اولديغنى ايدى آليستلره تسليم ايدم . فقط بوكا مقابل اولنلده قيمت حكملرينك ايكنجى قوتدن انفسى اولدقلىنى قبول ايتميدرلر ؛ چونكه قيمت حكملرى ساده جه نفسك ماهيتنى دكل ، بلكه حساسيت ميللرينى ده ترجمه ايتمكده درلر . بونلردن صرف نظر ايديله جك اولورسه ، دنياك بوتون قيمتلرى بر آنده يوق ايدلش اولور . بو مشاهده يه بر نوع تجربى تأييد بخش ايدن خسته لقلر واردر : موسيو « پهرزانه » يا خود موسيو « ژورژ دوما » حيات قارشىستده هيج بر ذوق آلمانان ؛ هيج بر معنا چيقارامايان ، هيج بر علاقه دويمايان زواللى آدملىرى تدقيق ايدرلر . بر صنعت اترينك كوزللكى قادار بر قانابهك راحتلى ، اقتصادى بر تشبثك كليرى قادار اصل بر حركتك اصالتى ، بوتون بونلر ، اوآدملره هيج برشى افاده ايتمز . اونلرك نظرندى دنيا رنگينى غائب ايتمشدر و دنياك بوتون قيمتلرى ، علاقه سزلىق ظلمتى ايجنده اريمشدر .

اوزون زمان سپر حياتى ياشامش اولانلر دخی ، بعض زمانلرده ، بو غريب حسزلكه دوغرو قائمده اولدقلىنى حس ايتمه مشلرميدر ؛ « غابرييل سه آى » (چالشم) آدينى ويرديكى كوزل بر رساله سنده شويله سويله يور : « دورت سنه مهاديا مغموم ساعتلك گذرانى ايجنده چوربايى ، اسپانغى واولومى بلكه ديلر ، محاربه ، ساده اقتصادى قيمتلرك بويوك بر مستهلك دكلدر ؛ بر جوق اخلاقى قيمتلرى ده

خراب ایدیور . حربك اك يوكسك بر درجه‌ده آیدینلادیغی قیمت‌لرده واردر :
فداکارلق روحی ، تساند حسی ، بونلر محاربه میدانلرینی تنویر ایدن حقیقی
فشنکلردر ؛ بونلرک بر قسمی‌ده واردرکه اونلری حرب سوندوریر . قانلی برچامور
ایچنه کندی کندیسنی یاواش یاواش باطیور حس ایدن غدار بر قوم ایچین نطافته
یاخود اقتصاده عائد اعتیادلردن ملکیت حرمته حسنه کلنجیه قادار نه قادار چوق
ایچهلکله و یاخود اندیشه‌لر یابانجی برحالده قالیر ؟

ایشته قیمت‌لرک شعشعه‌سی ، انسان ووحنک حالنه کوره قدرتلرینک کرکینلکنه ،
ارزولرینک استقامتنه و اوکنده آچیق ویاقابلی دوران استقبال امیدلرینه کوره
تنوع ایدر .

*
**

فقط دینه‌جک که بوتقدیرده قیمت‌لر تمامیه اضافی شیلریدر ؟ اکر قیمت‌لر هر
شیدن اول بشری حساسیتک برحاله ترجمان اولویورلر ایسه ، بوتقدیرده اونلری
افاده ایدن حکملرله علمک وجوده کتیردیکی حکملر آراسنده نامتناهی بر مسافه
وارمیدر ؟ فی‌الحقیقه بعض فیلسوفلر ایچین ، بونلرک آراسنده حقیقی بر اوچوروم
واردر و بواوچوروم آرزو ایدلدیکی قادار کنبشله‌تیله‌بیلیر . بوفیلوسوفلر ، قیمت‌لرک ،
علم طرفندن قورانان شأیتلردن « باشقه بر نظام » . عائد بولوندقلرینی تکرار
ایدرلر . بوایکی عالم آراسنده عقل ، کوپرو قوراجق قدرنده دکلدر . بورای
اشمق ایچین قاماد لازمدر : قلبک حمله‌لرینه و برهانلرک یرینی طوتاجق حدسلره
احتیاج واردر .

بوخاللرک عجبا هانکیسنده تام برصورتده کیفی اولارق حرکت ایتک تهلمک‌سنه
دوشمینورز ؟ بالذات (پاسقال) لکده اشارت ایتدیکی وجهله حسک آرقاسنده
کیزلنمش بر غیله اولمادیغنی کیم سویله‌یه‌بیلیر ؟ بونلر ، تدریساتمز ایچین بلکه‌ده بک
تهلمکلی نتیجه‌لردر . اکر تدریساتمزدن قیمت حکملرینی چیقاراجق اولورسه‌ق ،
تدریساتک حرکت قابلیتنی تنقیص ایتمش واونی حیاندن اوزاقلاشدیرمش اولورز .
اگر تدریساتمزدده قیمت حکملرینی محافظه ایدرسه‌ک بوتقدیرده مکتبک قلبی ایچنه
ردنبره مناقشه‌یه متحمل اولمایان « ذوقار » و « رنکله » صوقمش اولورز .

بناءً علیه تکلیف ایدیلن عکس مدعیاتی قبول ایتهدن اول مسئله‌یه ایکی نقطه‌دن

باقی ایجاب ایدر . قیمت‌لره شأیت‌لر آراسنده کی مسافه ایلک نظرده کوروندیکی
قادر بویوکیدر؟ قیمت‌لر برمعانده ، بالذات شأیت اولامازلرمی؟ بوصورتله بورایه
قدر سرعتله ایندیکمز بر یوقوشی تکرار چیقماق ممکن اولور .

*
* *

ایلک اول بر نقطه‌ی قبوله مجبورز . شخصی حساسیت‌میزك انطباع‌لری ایله ،
استعانه ایتدیکمز قیمت حکم‌لرینی همیز ، آز چوق واضح صورتده تفریق
ایتمه‌سی بیلیرز .

« آلتون دمیردن ده‌ا قیمت‌لیدر » ، « بو عمله وجدان‌لیدر » ، « بوماسا کوزهل
ویاخود راحتدر » دیدیکمز زمان یالکیز اشیانک ویاخود موجوداتک بنم اوزرمده
بر اقدقلری انطباعی افاده ایتماق ادعاسنده اولیورم . بویله بر انطباع احتیاج‌لر مه
یاخود کیفیه کوره تحویل ایدر . بن حکمی بوندن فضله اولارق بر طاقم اعتیادلر
اوزرینه ، معین بر قواعد یکونه و بنم شخصی اثرم اولمایان معین بر طاقم ایده آل
شکل‌لری اوزرینه استناد ایتدیریورم . ایچده یاشادیغم جمعیتده بو قیمت‌لری تبیین
ایدیورم : بو قیمت‌لر واقعه‌لردر . بونلر ، بنم اوکده معطی بر طاقم شأیت‌لر کی
و اشیا کیبی موضوع بولونیورلر .

اشیا کییمی؟ غریب شی ! بنم کوردیکمز ، تماس ایتدیکمز و بندن خارج
اولان ، « برشی » اولابیلیر . موسیو (سیمیان) ک حقلی بر مطالعه‌سینه کوره‌اشیانی
دها فضله شو صورتله تعریف ایتماق ایجاب ایدر : « اشیا بزم شخصی انسیاقیت‌میزه
مقاومت ایدن شیدر » ، یعنی بو انسیاقیت حدودلر و استقامت تحمیل ایدن شیدر .
حالبوکه بزم آلیشقین اولدیغمز قیمت‌لرک اکثرینسده وضعیت بویله دکلدر .
اقتصادی قیمت‌لرک حرکتی اوزرینه حتی بونلره اویمق صورت‌له بیله تأثیر اجرا ایتمه‌نک
نه قادر مشکل اولدیغنی بو کون هر کس حس ایدیور : « پیاسه‌لر مدهش بر صورتده
مقاوم شأیت‌لردر . » فقط اخلاقی بر مفکوره دخی بر نوع شأیت‌لر . اوده کندیسنه
حرمت ایتدیرمک ایچین بر چوق واسطه‌لر استعمال ایدر : دوات قوتی تمثیل
ایدن مأمورلرک بیلک‌کنده کی قوتدن عائله رئیس‌نک چاتیق قاشنه قادر بر چوق واسطه‌لری
واردر . بدیغی نظامه واریجه‌یه قادر تقدیرلریمز بزه « کندیلرینی قبول ایتدیرلر » و حتی
مجددلرک یکی بر دستوری قبول ایتدیرمک ایچین یابدقلری مجادله ، بونوع ایشلرده

دخى، بر مقاومتك، تضيق سيستمه ملرينك و رقيق بر طاقم زجر شكللرينك موجود اولديغنه دليلدر.

ايشته تام بونك ايچندر كه پوتشكن مذهبنه منسوب اولانلرك و «نيجه» نك ديديكى كىي قيمتلر لوحه سنى قيرمغه و ترجيحلر مذك مراتبى آلت اوست ايتمكه كلكلرينى دنيايه طنطنه ايله اعلان ايدن كيمسه لرك سعي او قادار قولاي دكلدر. بوتون بونلر كنديلرينك شوو يابوشكله قونولالرينه مساعده ايتمه ين شائيتلردر.

او حالده بو ايسه، قيمت حكمارينك؛ يالكر بيم شخصى ترجيحلرمى افاده ايتمك شويله دورسون، بلكه ايچنده ياشاديغم جمعيتده كندى كنديارينى بزه تحمیل ايله ين بر طاقم شائيتلره ترجان اولدقلرينى سويله مكدن باشقه بر شيميدر؟ فقط اكر بو قيمتلر كنديلرينى بو طرزده بزه تحمیل ايدنيورلر سه بو، اولنرك، بر مضاده حياتى محافظه ايتدكلرى جمعيتك اثرى اولمالرندن ايلرى كليورمى بوراده «أمیل دورقهيم» ك اجتماعى اثرلرينه حاكم بولونان بردوشونجهيه راست كليورز. «دورقهيم» ك صوك يازيلرى تاماميله بو فكرله ماليدر: جمعيت اساس اعتباريله مفكوره يارايجيدر. قيمت تسميه اولونان بو بويوك ميقاتيسلرك وضعلى، جمعيتك خواصى اعانه سييله وانسانلرك برلشمه سندن متولد خصوصى بر طاقم قوتلرله ايضاح اولونورلر: نه اشيانك خاصه لرى، نه ده فردلرك ملكاتى، بونلرى ايضاح ايچين كافى دكلدر. خلاصه اولارق، ديه بيليرز كه قيمتلر آفاق اولورلر، چونكه آمرلر درلر؛ آمر اولورلر؛ چونكه معشريدلر. شمدى بو فكرلرى، قيمتلر ارتسامنك هانكى تأثيرلر نختنده وقوع بولديغنى خاطر لاق صورتيله، تنوير ايتمكه چاليشمق ايجاب ايدر.